



Broj: 03/3-50-1-9-22/10
Sarajevo, 12.07.2010.

Z A P I S N I K
22. sjednice Zajedničke komisije za ekonomske reforme i razvoj,
održane 12.07.2010. godine

Sjednica je počela u 10.00 sati.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Hazim Rančić, g. Adem Ibrahimpašić, g. Ivo Miro Jović, g. Slobodan Šaraba, g. Bajazit Jašarević, gđa. Ljiljana Milašin, g. Mehmed Suljkanović i gđa. Vesna Šain, članovi Komisije.

Sjednici su prisustvovali, u ime predlagača Zakona o popisu stanovništva, domaćinstava i stanova u Bosni i Hercegovini 2011. godine, poslanik Halid Genjac, u ime Agencije za statistiku BiH, g. Fadil Fatić, zamjenik direktora, u ime Sektora za odnose sa javnošću gđa. Medina Delalić, u ime Ureda visokog predstavnika za BiH, gđica. Maja Stupar i g. Amer Bekrić, sekretar Zajedničke komisije za ekonomske reforme i razvoj.

Za sjednicu je predložen i jednoglasno usvojen sljedeći sljedeći

D N E V N I R E D

1. Usvajanje Zapisnika sa 21. sjednice Zajedničke komisije
2. Razmatranje Prijedloga zakona o popisu stanovništva, domaćinstava i stanova u Bosni i Hercegovini 2011. godine (predlagač: Predstavnički dom Parlamentarne skupštine Bosne i Hercegovine)
3. Tekuća pitanja

Ad.1.

Usvajanje Zapisnika 21. sjednice Zajedničke komisije za ekonomske reforme i razvoj

Zapisnik 21. sjednice Zajedničke komisije za ekonomske reforme i razvoj je jednoglasno usvojen.

Ad.2.

Razmatranje Prijedloga zakona o popisu stanovništva, domaćinstava i stanova u Bosni i Hercegovini 2011. godine (predlagač: Predstavnički dom Parlamentarne skupštine Bosne i Hercegovine)

G. Genjac je, u ime predlagača Zakona o popisu stanovništva, domaćinstava i stanova u Bosni i Hercegovini 2011. godine (Predstavnički dom Parlamentarne skupštine Bosne i Hercegovine), dao uvodne napomene o Prijedlogu zakona.

G. Koprivica je naglasio da je na 80. sjednici, održanoj 30. 6. 2010., Predstavnički dom Parlamentarne skupštine BiH usvojio Zakon o popisu stanovništva, domaćinstava i stanova u Bosni i Hercegovini 2011. godine predlagača Privremene komisije za pripremu Prijedloga zakona o popisu stanovništva, domaćinstava i stanova u Bosni i Hercegovini 2011. godine.

Predstavnički dom Parlamentarne skupštine BiH, u svojstvu ovlaštenog predlagača, 02.07.2010. godine, u skladu s članom 122. stav (1) Poslovnika Predstavničkog doma Parlamentarne skupštine BiH, dostavio je Domu naroda Parlamentarne skupštine BiH navedeni zakon radi razmatranja i usvajanja. Kolegij Doma naroda Parlamentarne skupštine BiH je na 44. sjednici, održanoj 6.7.2010., u skladu s članom 95. stav (2) Poslovnika Doma naroda Parlamentarne skupštine BiH, odredio Zajedničku komisiju za ekonomske reforme i razvoj nadležnom za Prijedlog zakona. Svoju odluku Kolegij Doma naroda PSBiH zasniva na utvrđenoj nadležnosti Komisije iz člana 50. stav (1) alineja j) Poslovnika Doma naroda PSBiH.

Nakon provedene opće rasprave u kojoj su učestvovali svi članovi, Zajednička komisija je, **sa osam glasova „za“, bez glasova „protiv“ i jednim „suzdržanim“ glasom, prihvatila principe Prijedloga zakona**, te se Prijedlog zakona može uputiti u daljnju zakonodavnu proceduru.

Ujedno, Zajednička komisija glasala je o prijedlogu delegata Doma naroda Parlamentarne skupštine BiH Hazima Rančića, koji glasi: „Zajednička komisija za ekonomske reforme i razvoj predlaže Domu naroda Parlamentarne skupštine BiH da se rokovi za dostavljanje amandmana na Prijedlog zakona skrate u skladu s članom 121. stav (3) Poslovnika Doma naroda Parlamentarne skupštine BiH“. Nakon provedene opće rasprave, **s pet glasova „za“, jednim glasom „protiv“ i tri „suzdržana“ glasa, s obzirom da prosta većina nije obuhvatala glas jednog predstavnika svakog konstitutivnog naroda, ovaj prijedlog nije prihvaćen.**

U skladu sa odredbama člana 113. Poslovnika Doma naroda PS BiH, za izvjestioca pred Domom naroda određen je delegat Zoran Koprivica, Predsjedavajući Komisije.

Ad.3.

Tekuća pitanja

U okviru ove tačke dnevnog reda, nisu razmatrana dodatna pitanja.

Sjednica je završena u 11,00 sati.

Sekretar Komisije

Amer Bekrić

Predsjedavajući Komisije

Zoran Koprivica